

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 66. sjednici, održanoj dana 07.02.2025. godine, d o n o s i

ZAKLJUČAK

I.

Prihvata se Izjašnjenje Ministarstva za pravosuđe i upravu Zeničko-dobojskog kantona, broj: 06/02-02-18401-1/24 od 22.01.2025. godine, koje se odnosi na prijedloge za izradu Programa rada Skupštine Zeničko-dobojskog kantona za 2025. godinu.

II.

Zaključak sa Izjašnjenjem iz tačke I. upućuje se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

Broj: 02-_____/25
Datum, 07.02.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Broj: 06/02-02-18401-1/24
Zenica, 22.01.2025. godine

**SKUPŠTINA ZENIČKO-DOBOJSKOG KANTONA
KOLEGIJ SKUPŠTINE**

PREDMET: Izjašnjenje na Program rada Skupštine Zeničko-dobojskog kantona za 2025. godinu, dostavlja se

Stručna služba Vlade Zeničko-dobojskog kantona je svojim aktom broj: 02-1-02-18401-9-1/24 od 25.12.2024. godine Ministarstvu za pravosuđe i upravu Zeničko-dobojskog kantona dostavila akt Skupštine Zeničko-dobojskog kantona sa prijedlogom Behije Kulović, poslanice u Skupštini Zeničko-dobojskog kantona, koji se odnosi na prijedloge za izradu Programa rada Skupštine Zeničko-dobojskog kantona za 2025. godinu, između ostalih i u dijelu za čiju je nadležnost prema ovim aktima određeno Ministarstvo za pravosuđe i upravu a odnosi se na Zakon o zaštiti prijavitelja korupcije.

U vezi sa navedenim Ministarstvo za pravosuđe i upravu napominje da je Zaljučkom Vlade Zeničko-dobojskog kantona, broj: 02-30-1148/25 od 17.01.2025. godine, usvojen Program rada Vlade Zeničko-dobojskog kantona, koji je izrađen u skladu sa Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Sl. novine FBiH", br. 74/19 i 2/21), a u okviru kojeg je i Godišnji plan rada ovog ministarstva koji predstavlja implementacioni dokument sa aktivnostima/projektima koji će se poduzimati na godišnjem nivou kako bi se realizirali programi (mjere), iz trogodišnjeg plana rada, te ostvarili prioriteti i strateški ciljevi iz relevantnih strateških dokumenata i nadležnosti organa uprave utvrđenih u trogodišnjem planu rada, iz čega proizilazi da bi usvajanje ovakvog prijedloga iziskivalo i izmjenu Programa rada Vlade za 2025. godinu uz napomenu da isti mora biti usaglašen sa trogodišnjim planom rada.

Nadalje, Vlada Zeničko-dobojskog kantona je Uredbom o osnivanju Ureda za borbu protiv korupcije Zeničko-dobojskog kantona ("Sl. novine Zeničko-dobojskog kantona", br. 5/22 i 19/24) istom utvrdila status pravnog lica te čije se aktivnosti u skladu sa navedenom Uredbom odnose i na planiranje, provođenje, praćenje i nadzor nad provođenjem antikoruptivnih politika utvrđenih strateškim dokumentima, kao i iniciranje donošenja propisa, izmjena i dopuna propisa, strateških dokumenata Vladi i Skupštini Kantona i metodologija, a koji se odnose na segment borbe protiv korupcije.

Iz navedenog proizilazi da se prijedlog Behije Kulović, poslanice u Skupštini Zeničko-dobojskog kantona, koji se odnosi na prijedloge za izradu Programa rada Skupštine Zeničko-dobojskog kantona za 2025. godinu, u okviru nadležnosti ovog ministarstva na ovaj način ne može prihvatiti, što ne znači da se predloženi zakon u konačnici neće moći razmatrati od strane Skupštine Zeničko-dobojskog kantona.

S poštovanjem,

MINISTAR

Nebojša Nikolić

Dostaviti:

1x Naslovu,
1x a/a.